

scrive il schiavo andò a la Porta non era ancora tornato, et fra 15 zorni si aspetava il suo ritorno. Et come de li era nova el Sophi esser con potente esercito, e il Signor turco *etiam* feva redur le sue zente al Bir per mandarle in campo contra il dito Sophi. Scriveno, di Tripoli, la nave patron Zuan Vasalo, molto richa, acciò vadi più segura, hanno fato comandamento vadi unida con Andrea Lemisina e sier Hironimo Contarini; il qual Contarini, cargando di sali et mancandoli il cargo, li hanno dato orzi per conto di la Signoria nostra. E l'annata de le biave par non reussirà per le cavalete, et questo Mazo è stà gran pioze, de li dubitano sarà danno a le biave; e per i gran fredì le saline si agiazerà, ma saranno tardi.

Dil dito, di 13. Come hanno auto letere di Francesco Zacaria di Aleppo, portate per uno zovene suo, partì a dì 26 Mazo, ha referito a bocha per più securtà, qual è stà quel Josephin turziman, come li sophiani erano a Musolo zornate 3 di Arbech lontano.

Dil dito, di 15. Come ha auto aviso dal ditto Zacaria, era zonta nova lì in Aleppo come li campi erano vicini et scaramuzavano insieme, et cavalli 5000 di sophiani, et che a Musolo erano 10 milia, *olim* di sophiani, et altri 12 milia erano in Bagade, quali hanno tajato a pezi tutti li turchi, 12 milia, erano in Bagadè, sichè niuno vivo si ritrova. Et come 362 cavali 16 milia di sophiani erano adunati in Musolo, et si dice il Sophi aver da 90 milia cavali in campo, il qual vol andar da la banda di Amin a la volta di Costantinopoli, et è in bona pace con tutti li signori persiani, et ha assai schiopeti: per il che questo signor di Aleppo è con cavalli 15 milia verso el Bir, et el Gazelli signor di Damasco esser venuto in Aman per esser contra arabi, quali hanno sachizato la earovana etc. *ut in litteris.*

Fo leto *etiam* la letera di sier Nicolò Justinian *olim* baylo a Constantinopoli, data a Corfù a dì 4 Avosto, particular, copiosa di nove, il sumario ho notato quando fo leta in Colegio.

Fu posto, per li Consieri e Cai di XL, una letera al duca di Nixia zercha li danari el dia dar a sier Marco Antonio Marzello qu. sier Vetur, ch'è ducati 200 a l'anno a Maria Petrinelli; il qual sier Marco Antonio è stato da lui credetato recuperar il suo credito di ducati 500 et più a l'anno, in tutto non ha potuto aver ducati 150; sichè si persuada vogli pagarlo, *aliter* si farà provizione. Et in consonantia una letera al Provedador di l'armada sopra questo, mandi qualche galia fin lì, et non volendo

pagar, fazi sequestrar le sue intrade etc.
. . . . il Colegio habbi libertà di scriver tante volte quanto achaderà. Fu presa. Ave 170 di sì, 20 di no.

Fu posto, per li Savii, la commission a Hironimo Dedo secretario nostro a Napoli, sii co l'illustrissimo Vicerè, qual ha auto commission dal re Catholico di terminar le marche e ripresaje etc. Però se li scrivi quanto l'abi a far: commission assà longa. Fu presa.

Poi fo fato eletion di do sora il Cotimo di Damasco, uno sora il Cotimo di Alexandria perchè resta sier Antonio da cha da Pexaro qu. sier Alvise, et do sora il Cotimo di Londra. Et fo fato per 4 man; tolti assai in tre lochi, ma non fo balotà si non Damasco et Alexandria per esser l' hora tarda. Et rimase primo sier Lunardo Contarini, fo savio ai Ordeni, qu. sier Hironimo qu. sier Bertuzzi procurator, et sier Piero Trivixan di sier Domenego el cavalier procurator, et sora il Cotimo di Alexandria, sier Lorenzo Barbarigo qu. sier Lorenzo, qu. sier Hironimo el procurator, et li scurtinii con le balote sarano qui avanti.

Electi do Provedadori sora il Cotimo di Damasco. 362*

Sier Andrea Tiepolo, fo podestà a Montagnana, qu. sier Polo	76.124
Sier Fancesco Morexini, fo patron a Baruto, qu. sier Antonio	98.102
Sier Piero Loredan qu. sier Alvise qu. sier Nicolò procurator	89.113
Sier Zuan Tiepolo, fo savio ai ordeni, qu. sier Hironimo	74.125
Sier Andrea Bolani, fo savio ai ordeni, qu. sier Alvise, qu. sier Marco procurator	100.102
Sier Bortolamio Zane qu. sier Hironimo, da santa Maria <i>Mater Domini</i>	97.105
Sier Carlo Morexini qu. sier Batista.	75.128
Sier Andrea Trivixan, fo a le Raxon vechie, qu. sier Polo	92.107
Sier Hironimo Foscarini, fo ai X Savii, di sier Andrea	86.117
Sier Alvise Cohtarini qu. sier Anzolo	76.117
Sier Anzolo Michiel qu. sier Hironimo, qu. sier Anzolo dottor	72.122
Sier Hironimo Grimani, fo a la camera d'imprestidi, di sier Marin	86.117